

PWYLLGOR CRAFFU PARTNERIAETHAU

Cofnodion cyfarfod o'r Pwyllgor Craffu Partneriaethau a gynhaliwyd yn by video conference, Dydd Iau, 15 Rhagfyr 2022 am 10.00 am.

YN BRESENNOL

Y Cynghorwyr Joan Butterfield (Cadeirydd), Jeanette Chamberlain-Jones, Pauline Edwards, Bobby Feeley, Martyn Hogg, Peter Scott (Is-Gadeirydd), David Williams ac Elfed Williams.

Roedd yr Aelod Arweiniol Tai a Chymunedau, y Cynghorydd Rhys Thomas a'r Aelod Arweiniol Polisi, Cydraddoldeb a Strategaeth Gorfforaethol, y Cynghorydd Julie Matthews hefyd yn bresennol ar gais y Pwyllgor ar gyfer cyflwyno eitemau o fewn eu portffolios.

HEFYD YN BRESENNOL

Y Cyfarwyddwr Corfforaethol: Cymunedau (NS); Pennaeth Gwella Busnes a Moderneiddio Dros Dro (NK); Rheolwr Diogelwch Cymunedol, Cyngor Bwrdeistref Sirol Conwy (ST); Prif Swyddog, Cyngor Gwasanaethau Gwirfoddol Sir Ddinbych (TB); Cydlynnydd Craffu (RhE)
Gweinyddwr Pwyllgorau – Gwesteiwr (SW) a Swyddog Gwasanaethau Democrataidd – cofnodion (KE)

1 YMDDIHEURIADAU

Cafwyd ymddiheuriadau gan y Cynghorydd Kelly Clewett.

2 DATGANIADAU O FUDDIANT

Ni ddatganwyd unrhyw gysylltiad.

3 MATERION BRYN FEL Y'U CYTUNWYD GAN Y CADEIRYDD

Dim.

4 COFNODION Y CYFARFOD DIWETHAF

Cyflwynwyd cofnodion cyfarfod y Pwyllgor Craffu Partneriaethau a gynhaliwyd ar 27 Hydref 2022.

Materion yn codi:

Darpariaeth Contract Gwasanaethau Gorfodi Amgylcheddol (argymhelliad ii tudalen 8) – Gofynnodd y Cadeirydd a oedd yr argymhelliad wedi'i weithredu? Dywedodd y Cydlynnydd Craffu fod y Gwasanaeth wedi cadarnhau eu bod wedi cysylltu â'r Tîm Cyfathrebu, gyda'r bwriad o lunio cynllun cyfathrebu i hysbysu preswylwyr, busnesau, cynghorau dinas, tref a chymuned am y newidiadau arfaethedig.

Penderfynodd y Pwyllgor:

y dylid derbyn a chymeradwyo cofnodion y cyfarfod a gynhaliwyd ar 27 Hydref 2022 fel cofnod cywir o'r trafodion.

Cyn dechrau trafod yr eitem fusnes ganlynol, dywedodd y Cadeirydd wrth yr Aelodau y byddai'r Pwyllgor yn trafod eitem fusnes 5, yn ei swyddogaeth fel Pwyllgor Craffu Trosedd ac Anrhefn dynodedig y Cyngor, yn unol â Deddf yr Heddlu a Chyfiawnder 2006, adrannau 19 a 20.

5 PARTNERIAETH DIOGELWCH CYMUNEDOL

Cyflwynodd yr Aelod Arweiniol Tai a Chymunedau yr adroddiad (dosbarthwyd ymlaen llaw). Atgoffodd y Pwyllgor mai dyma adroddiad blynyddol y Bartneriaeth Diogelwch Cymunedol - mis Ebrill 2021 i fis Mawrth 2022.

Eglurodd y Pennaeth Gwella Busnes a Moderneiddio bod Diogelwch Cymunedol yn cael ei reoli o fewn y gwasanaeth Gwella Busnes a Moderneiddio, ond eu bod yn gweithio'n agos â nifer o adrannau eraill, gan gynnwys Gwasanaethau Ieuenctid, Cynllunio a Gwarchod y Cyhoedd a Diogelu ac ati.

Roedd cynllun gweithredu Partneriaeth Diogelwch Cymunedol Conwy a Sir Ddinbych yn rhan o gynllun rhanbarthol a ddatblygwyd ar draws Gogledd Cymru, dan arweiniad Comisiynydd yr Heddlu a Throsedd. Lluniwyd cynllun ar sail dadansoddiadau blynyddol. Yn lleol, roedd y cynllun yn cael ei reoli gan Bartneriaeth Diogelwch Cymunedol Conwy a Sir Ddinbych.

Cyfeiriodd y Rheolwr Diogelwch Cymunedol at yr Adroddiad Cryno Perfformiad (atodiad 1), gan amlygu:

Blaenoriaeth 1: Lleihau Trosedd ac Anrhefn yn Sir Ddinbych trwy weithio mewn Partneriaeth - roedd y statws perfformiad ar ddiwedd 2021/22 yn dderbyniol;
Blaenoriaeth 2: Lleihau aildroseddu - roedd y statws perfformiad ar ddiwedd 2021/22 yn dderbyniol; a
Blaenoriaeth 3: Blaenoriaethau Lleol – roedd y statws perfformiad ar ddiwedd 2021/22 yn dda.

Gwelwyd newid ers y cyfnod adrodd blaenorol yn sgil y cynnydd mewn troseddu ieuenctid a cham-drin/stelcian domestig.

Roedd Blaenoriaeth 1 yn ymwneud â chydweithio â phartneriaid e.e. Awdurdod Gwasanaethau Tân ac Achub Gogledd Cymru, yr Heddlu, Gwasanaethau Prawf, Iechyd, gyda'r nod o:

- Lleihau troseddau sy'n seiliedig ar y dioddefwr;
- Lleihau Ymddygiad Gwrthgymdeithasol;
- Lleihau cam-drin domestig a thrais rhywiol a
- gweithio gyda chydweithwyr ar gynadleddau ac asesiadau risg aml asiantaeth i reoli troseddwy'r ailadroddus.

Blaenoriaeth 2 – y nod oedd lleihau aildroseddu trwy weithio gyda’r:

- Gwasanaeth Prawf (oedolion yn aildroseddu);
- Gwasanaeth Plant a Phobl Ifanc / Gwasanaethau Ieuentid; a
- chydweithio i atal troseddau cyfundrefnol.

Blaenoriaeth 3 - Tynnwyd sylw at flaenoriaethau Lleol a Rhanbarthol yn aml gan aelodau etholedig neu Heddlu Gogledd Cymru, wrth iddynt dderbyn nifer o alwadau e.e. yn ymwneud ag eiddo trwyddedig, ymddygiad gwrthgymdeithasol ac ati.

Blaenoriaeth 1 – Lleihau Trosedd ac Anrhefn yn Sir Ddinbych trwy weithio mewn Partneriaeth.

Yn gyffredinol, roedd perfformiad y Bartneriaeth yn dderbyniol oherwydd y cynnydd parhaus yn y nifer o ddiodefwr cam-drin, stelcian ac aflonyddu domestig a adroddodd am ddigwyddiadau o’r fath. Er bod y cynnydd canrannol yn ymddangos yn uchel, roedd yr union niferoedd yn isel. Roedd enghreifftiau o weithio mewn partneriaeth ar gyfer ymdrin â’r flaenoriaeth hon yn cynnwys ymgymryd â’r mesurau canlynol:

- Codi ymwybyddiaeth am droseddau sy’n seiliedig ar y diodefwr trwy’r cyfryngau cymdeithasol, mynychu digwyddiadau a sicrhau bod gwybodaeth ar gael ar wefannau partner.
- Arolygon cartref a busnes a gynhelir gan gynghorwyr lleihau trosedd a Swyddogion Cymorth Cymunedol yr Heddlu er mwyn helpu atal lladradau.
- Darparu offer gwella diogelwch a chynghor atal trosedd (Cloeon/barrau drysau ac ati).
- Cymryd rhan yng nghyfarfodydd Cynhadledd misol Asesiad Risg Amlasiantaeth, gan adolygu achosion diodefwr cam-drin domestig a gweithredu cynlluniau gweithredu.
- Anfonodd Sir Ddinbych nifer o ddatganiadau i’r wasg ynghylch cam-drin domestig trwy gydol y flwyddyn a newidiwyd lliw Pont y Ddraig i ddynodi cefnogaeth yr Awdurdod Lleol ar gyfer Diwrnod y Rhuban Gwyn ar 25 Tachwedd 2021. Cynhaliwyd gwylnos gyda phartneriaid yn yr arena ddigwyddiadau yn y Rhyl i ddangos cefnogaeth o ran atal trais.
- Hyrwyddwyd llinell gymorth Byw Heb Ofn Cymru Gyfan, a dderbyniodd 192 galwad gan breswylwyr Sir Ddinbych.

Roedd cyfarfodydd gweithgarwch prosiect gydag asiantaethau partner yn trafod:

- Caethwasiaeth Fodern;
- Llinellau Sirol;
- Rheoli Troseddwyd Integredig;
- Cam-Drin Domestig; ac
- Ymgyrchoedd Drinkaware.

Blaenoriaeth 2 – Lleihau achosion o aildroseddu.

Gwelwyd gostyngiad mewn pobl dros 18 oed yn troseddu, ond cynnydd o ran pobl ifanc. Bu i’r bartneriaeth ganolbwyntio ar:

- Gymryd rhan mewn rhaglenni rheoli troseddwyr lleol;
- Hyrwyddo datrysiadau cymunedol a chyfiawnder adferol wrth ddatrys mân broblemau;
- Mynychu cynadleddau cyfiawnder adferol fel cyfaill beirniadol;
- Nodi ymddygiad gwrthgymdeithasol ailadroddus; a
- Sefydlu fforwm pwrpasol yn y Rhyl i ganolbwyntio'n benodol ar drosedd ac anrhefn.

Blaenoriaeth 3 – Blaenoriaethau Lleol

Roedd statws perfformiad cyffredinol y flaenoriaeth yn dda. Roedd y bartneriaeth wedi:

- Sefydlu grwpiau amlasiantaeth lleol yn Sir Ddinbych i reoli digwyddiadau ailadroddus o Ymddygiad Gwrthgymdeithasol;
- Hyrwyddo'r defnydd o ddatrysiadau cymunedol i ddatrys digwyddiadau ailadroddus o ymddygiad gwrthgymdeithasol;
- Gweithredu hysbysiadau amddiffyn cymunedol / Gorchmynion Gwarchod Mannau Cyhoeddus;
- Eiddo trwyddedig a reolir a thrwyddedau tacsï a gaiff eu gorfodi / monitro;
- Parhau â gweithrediadau (Mawrth 2022) o dargedu golchi ceir o dan gynlluniau gweithredu caethwasiaeth fodern;
- Monitro tensiwn cymunedol, protestiadau/gwylnosau - gan gynnwys trosedd casineb gyda chymorth y tîm Cydlyniant rhanbarthol.
- Gwneud cais am ragor o gyllid trydydd sector ar gyfer gwasanaethau cam-drin domestig ychwanegol yn lleol.

Yn gorfforaethol, cyhoeddodd Sir Ddinbych gyfathrebiadau mewnol ac allanol yn ymwneud â hyfforddiant ac ymyrraeth gynnar, gan ganmol gwaith y Bwrdd Diamddiffynedd Rhanbarthol a'r tîm cam-drin domestig rhanbarthol.

Gweithredwyd mwy o weithgarwch heddlu o ran economi'r nos -- gan edrych yn benodol ar drais yn erbyn merched a genethod. Roedd y cynllun 'Gofynnwch am Angela' ar waith mewn tafarndai yn Sir Ddinbych.

Derbyniwyd grant o £5000 grant ar gyfer cyhoeddi nwyddau'r ymgyrch Byw Heb Ofn – balm gwefus, hylif diheintio dwylo a beiros gyda rhif ffôn y llinell gymorth arnynt - wedi'u lleoli'n strategol – ar gyfer y rhai sydd angen cymorth i gael mynediad ato.

Dadansoddi Ystadegau Troseddu

O'r 13 categori adrodd Trosedd a digwyddiad sy'n ymwneud â Sir Ddinbych, cofnodwyd 7 fel yr uchaf ar gyfer y Flwyddyn hyd Yma, o'u cymharu â'r ffigyrau cyn Covid. Roedd y ffigyrau'n cyd-fynd â'r rhai disgwylidig ac ni nodwyd unrhyw anghysondebau.

Aeth y Rheolwr Diogelwch Cymunedol ymlaen i egluro'r gwahanol categorïau trosedd a oedd yn cael eu monitro. Fe'u cymharwyd â ffigyrau a gofnodwyd cyn Covid, gan fod y cyfnodau clo wedi effeithio ar y math o droseddau a gyflawnir. O'r herwydd, cafodd tueddiadau eu monitro yn hytrach na ffigyrau.

Yn arwyddocaol, gwelwyd cynnydd o flwyddyn i flwyddyn mewn Stelcian ac Aflonyddu. Fe ychwanegwyd Ymddygiad Cymhellol a Rheolaethol at y categori hwnnw, a arweiniodd at gynnydd yn y niferoedd a gofnodwyd.

Gwelwyd cynnydd cenedlaethol mewn ymddygiad gwrthgymdeithasol yn ymwneud â phobl ifanc. Roedd y partneriaethau'n gweithio'n agos gyda'r Gwasanaethau Ieuencid i ganfod yr achos craidd mewn cymunedau lle'r oedd problemau. Roedd cyfarfodydd amlasiantaeth – yn cynnwys aelodau lleol – yn cael eu cynnal er mwyn nodi a datrys problemau.

Gan ymateb i gwestiynau'r Pwyllgor, dywedodd y Rheolwr Diogelwch Cymunedol bod:

- Y manteision o weithio mewn partneriaeth yn cynnwys rhannu adnoddau, cydgyfrifoldebau, cymhwysedd ar gyfer arian grant ac osgoi dyblygu gwaith.
- Cafwyd ymateb cadarnhaol mewn perthynas ag ymgyrch 'Gofynnwch i Angela'. Gofynnir i'r Tîm Trwyddedu a oes unrhyw ystadegau ar gael.
- Cymharwyd ystadegau â ffigyrau rhanbarthol a chenedlaethol er mwyn nodi tueddiadau.
- Nid oedd sgamiau / twyll ar-lein yn rhan o gategori ystadegau trosedd yr adroddiad – er eu bod nhw'n flaenoriaethau rhanbarthol i'w hystyried gan Gomisiynydd yr Heddlu a Throsedd – byddai ffigyrau ar gael gan fod y Gwasanaeth Safonau Masnach yn gyfrifol am gofnodi ac ymchwilio i ddigwyddiadau honedig o sgamiau a thwyll ar-lein.
- Yn ogystal â'r adroddiad blynyddol, darparwyd diweddariadau i'r Uwch Dîm Arweinyddiaeth a'r Aelod Arweiniol ar sail chwarterol.
- Cyflwynwyd y broses o Fonitro Protestiadau/Gwylnosau yn ystod Covid, ond fe'u defnyddir eto ar gyfer monitro unrhyw densiynau cymunedol.
- Roedd gwasanaethau'r 3ydd Sector yn rhan hanfodol o'r bartneriaeth wrth weithio gyda phobl ifanc. Darparodd yr Hwb yn Sir Ddinbych a Phrosiect Pobl Ifanc Gorllewin y Rhyl gymorth ac ymgysylltiad gwerthfawr yn sgil digwyddiadau o ymddygiad gwrthgymdeithasol diweddar gyda'r Prosiect Strydoedd Mwy Diogel a
- Gellid gwahodd Prif Arolygydd Heddlu Gogledd Cymru Sir Ddinbych i gyfarfod y Pwyllgor, y tro nesaf y cyflwynir adroddiad blynyddol y Bartneriaeth Diogelwch Cymunedol.

Dywedodd y Pennaeth Gwella Busnes a Moderneiddio Dros Dro bod fforwm Grŵp Diogelwch Cymunedol y Rhyl (a oedd yn cynnwys aelodau lleol) wedi'i sefydlu er mwyn mynd i'r afael â'r nifer o broblemau o ran ymddygiad gwrthgymdeithasol. Cynhelir y cyfarfod nesaf ym mis Ionawr 2023.

Diolchodd yr Aelod Arweiniol Tai a Chymunedau i'r Rheolwr Diogelwch Cymunedol am ei brwdfrydedd a'i hymrwymiad yn y swydd, adleisiwyd hyn gan y Cadeirydd ac aelodau'r Pwyllgor.

Ar ddiwedd trafodaeth fanwl:

Penderfynodd y Pwyllgor: yn amodol ar y sylwadau uchod –

- (i) dderbyn diweddariad perfformiad ac ystadegol Partneriaeth Diogelwch Cymunedol Conwy a Sir Ddinbych ar gyfer 2021/22;**
- (ii) cefnogi'r blaenoriaethau a nodwyd gan y Bartneriaeth Diogelwch Cymunedol i'w cyflawni yn ystod 2022/23; ac**
- (iii)â'r bwriad o hwyluso craffu darpariaeth gweithgarwch diogelwch cymunedol yn yr ardal yn effeithiol, a gwahodd Prif Arolygydd Heddlu Gogledd Cymru Sir Ddinbych i gyfarfod y Pwyllgor ym mis Medi 2023, i gyflwyno Adroddiad Blynyddol y Bartneriaeth Diogelwch Cymunedol ar gyfer 2022/23.**

6 CYNGOR GWASANAETHAU GWIRFODDOL SIR DDINBYCH (CGGSDD)

Cyflwynodd yr Aelod Arweiniol Polisi, Cydraddoldeb a Strategaeth Gorfforaethol, Tom Barham, Prif Swyddog Cyngor Gwasanaethau Gwirfoddol Sir Ddinbych (CGGSDD), gan wneud sylwadau ar bwysigrwydd y gefnogaeth a'r berthynas waith gyda phartneriaid Trydydd Sector er mwyn cyflawni amcanion ar y cyd.

Cyflwynodd y Prif Swyddogion adroddiad diweddar ar waith CGGSDD dros y 12 mis diwethaf, wrth iddo symud ymlaen yn dilyn heriau Pandemig y Covid a'r Argyfwng Costau Byw.

Yn ddiweddar, lluniodd CGGSDD ddatganiad i egluro pwrpas cynghorau gwirfoddol:

'Mae CGGSDD yn galluogi elusennau a grwpiau cymunedol (Trydydd Sector) i fod yn fwy effeithiol a chysylltu'n well, gan gydweithio i ddatblygu Sir Ddinbych sy'n gryf a bywiog'.

Dywedodd bod CGGSDD yn elusen annibynnol sy'n gweithio orau mewn partneriaeth â'r Trydydd Sector a Chyngor Sir Ddinbych (CSDd), i wella cymunedau Sir Ddinbych fel galluogwyr sy'n cynghori, hwyluso, ariannu a hyrwyddo'r sector gwirfoddol.

Roedd gan breswylwyr Sir Ddinbych ystod o anghenion a gafodd eu diwallu yn rhannol gan weithgareddau'r Trydydd Sector. Cefnogodd CGGSDD grwpiau cymunedol ag anghenion o ran:

- sefydlu,
- twf,
- llywodraethu da,
- partneriaeth,
- rhwydweithio a dylanwadu,
- recriwtio staff a gwirfoddolwyr,
- cael gafael ar gyllid,

- sgiliau a
- gallu ymateb yn effeithiol i newid.

Roedd y CGGSDd yn rhan o rwydwaith Cefnogi Trydydd Sector Cymru, a ariennir gan Lywodraeth Cymru, gydag ystod o adnoddau ar-lein sy'n annog gwaith ar draws y 4 piler: gwirfoddoli, llywodraethu da, cyllid cynaliadwy ac ymgysylltu a dylanwadu. Canolbwyntir o'r newydd ar wirfoddoli dros y misoedd nesaf.

Caiff y gwaith o asesu a dyrannu rhaglenni grant gyda CSDd, Cyngor Gweithredu Gwirfoddol Cymru, Llywodraeth Cymru a'r Bwrdd Iechyd hefyd ei reoli gan CGGSDd. Cafodd bron i 0.25 miliwn o bunnoedd o gyllid, 87 grant eu dyrannu yn Sir Ddinbych y llynedd.

Roedd Llywodraethu yn elfen bwysig o rôl CGGSDd, wrth iddo ddarparu hyfforddiant, ymgynghoriaeth a chyngor uniongyrchol i grwpiau Trydydd Sector, gan helpu ffurfio 18 menter gymdeithasol newydd yn ystod y flwyddyn ddiwethaf.

Gyda chymorth cyllid gan CSDd, cyflawnwyd prosiect gan CGGSDd yn 2022 i ganfod gwytnwch sefydliadau Trydydd Sector ar ôl y Covid.

Roedd Adroddiad Ymchwil y Trydydd Sector, Ebrill 2022 yn amlygu:

- bod 2450 sefydliad Trydydd Sector yn Sir Ddinbych
- bod 10% o'r holl swyddi yn Sir Ddinbych yn y Trydydd Sector
- mai Sir Ddinbych oedd â'r drydedd lefel gwirfoddoli uchaf yng Nghymru, sy'n cynrychioli 4,700,000 o oriau gwirfoddol
- bod y sefydliadau hyn wedi dangos gwytnwch yn ystod Covid, ond eu bod bellach o dan fygythiad oherwydd cynnydd yn y galw, cyllid tymor byr a chostau gweithredu uwch
- bod problemau o ran recriwtio, bylchau mewn sgiliau, technoleg a data. Roedd 52% yn credu y byddai eu sefydliad yn ehangu, ond dim ond 54% oedd o'r farn eu bod nhw'n gynaliadwy.

Gweithiodd CGGSDd gydag ystod o sefydliadau (tua 250), yn bennaf sefydliadau bach, newydd a rhai sy'n ehangu. Gellid darparu cefnogaeth wyneb yn wyneb neu trwy eu cyfeirio at adnoddau cenedlaethol ynghylch ariannu ac ati.

Roedd CGGSDd yn gweithio gyda CSDd yn ôl y Gronfa Ffyniant Gyffredin i wella sut mae awdurdodau lleol yn comisiynu a chaffael gwasanaethau o'r Trydydd Sector, a cheisio lleihau rhwystrau caffael sy'n pryderu sefydliadau llai, gan ganolbwyntio ar yr elfen gwerth cymdeithasol.

Roedd ymchwil CGGSDd yn dangos:

- posibilrwydd o ran gwella perthynas waith â Chyngor Sir Ddinbych ac
- awydd ar bob ochr am bartneriaeth, rhwydweithio a phontio'r bwloch, yn enwedig o ran yr argyfwng costau byw.

Dyma enghreifftiau ymarferol o CGGSDd yn gweithio gyda CSDd:

- Sefydlu Grŵp Cyswllt Trydydd Sector newydd.
- Menter Croeso Cynnes / Warm Welcome a

- Cydweithio ar y Gronfa Ffyniant Gyffredin / Cyfleoedd Trydydd Sector, gan greu rhwydweithiau cymorth cymheiriaid.

Gan ymateb i gwestiynau'r aelodau, roedd Prif Swyddog CGGSDd yn annog aelodau i rannu eu gwybodaeth leol ynghylch sefydliadau a oedd angen cymorth neu gefnogaeth, yn enwedig o ran cyllid neu grantiau. Dywedodd ei bod hi'n bwysig i CGGSDd fod â phresenoldeb ac yn weladwy ar draws y sir. Nid oedd y sefydliad yn cyflogi nifer fawr o bobl, ei rôl oedd cefnogi a hwyluso grwpiau cymunedol i fod yn wydn. Yn ddiweddar, cynhaliwyd ffair gwirfoddolwyr yn Llangollen, a chynhelir y nesaf yn y Rhyl/Prestatyn.

Diolchodd y Prif Swyddog i swyddogion a chynghorwyr CSDd am y croeso a gafodd yn y swydd a'u parodrwydd i gydweithio. Anogodd aelodau etholedig i godi ymwybyddiaeth o wasanaethau CGGSDd o fewn eu cymunedau.

Diolchodd y Pwyllgor i'r Prif Swyddog am fynychu'r cyfarfod, am ei gyflwyniad llawn gwybodaeth ac am ei atebion cynhwysfawr i gwestiynau'r aelodau. Felly:

Penderfynwyd: –

- (i) cydnabod y cynnydd a wnaed gan Gyngor Gwasanaethau Gwirfoddol Sir Ddinbych (CGGSDd) hyd yma o ran gwireddu ei weledigaeth a gwella ei berthynas waith â'r Cyngor a chyda sefydliadau gwirfoddol yn Sir Ddinbych; a***
- (ii) chefnogi nodau CGGSDd a'r Cyngor i ddatblygu partneriaeth agos ac effeithiol rhwng budd-ddeiliaid y sector gwirfoddol a'r cyhoedd, gyda'r nod o sicrhau y bydd cymunedau'r Sir yn fywiog, wedi'u cysylltu ac yn wydn ar gyfer y dyfodol.***

7 RHAGLEN WAITH CRAFFU

Cyflwynodd y Cydlynnydd Craffu adroddiad (dosbarthwyd ymlaen llaw) yn gofyn i'r aelodau adolygu rhaglen waith y Pwyllgor. Dywedwyd wrth yr Aelodau mai pwrpas yr adroddiad oedd adolygu gwaith y Pwyllgor yn y dyfodol, er mwyn sicrhau ei fod yn cynnwys yr holl eitemau a ofynnwyd amdanynt gan yr Aelodau.

Atgoffwyd y Pwyllgor bod cyfarfod nesaf y Pwyllgor Craffu Partneriaethau wedi'i drefnu ar gyfer 9 Chwefror 2023. Cyflwynwyd dwy eitem allweddol gyda Bwrdd Iechyd Prifysgol Betsi Cadwaladr.

- I. Gweithio mewn Partneriaeth mewn perthynas ag Iechyd Meddwl
- II. Prosiect Ysbyty Cymuned Gogledd Sir Ddinbych.

Roedd cyfarfod nesaf y Grŵp Cadeiryddion ac Is-Gadeiryddion Craffu wedi'i drefnu ar gyfer 19 Ionawr 2023. Atgoffwyd Aelodau i lenwi'r Ffurflen Cynnig Testun Craffu (atodiad 2), os oedd ganddynt unrhyw eitemau i'w cyflwyno i'r Grŵp Cadeiryddion ac Is-Gadeiryddion Craffu i'w hadolygu ac/neu eu dyrannu ar gyfer rhaglen gwaith i'r dyfodol y pwyllgor craffu.

Gofynnodd y Pwyllgor i nodyn atgoffa gael ei ddsbarthu i aelodau ynghylch sut i gynnig eitemau craffu.

Penderfynodd y Pwyllgor: yn amodol ar y sylwadau uchod

- (i) gadarnhau ei raglen gwaith i'r dyfodol fel y nodir yn Atodiad 1 yn yr adroddiad; a***
- (ii) gofynnodd bod yr holl gynghorwyr yn cael eu hatgoffa o'r broses i'w dilyn ar gyfer cynnig eitem ar gyfer craffu yn y dyfodol.***

8 ADBORTH GAN GYNRYCHIOLWYR PWYLLGOR

Mynychodd y Cynghorydd Bobby Feeley gyfarfod cyntaf Bwrdd Prosiect Bwthyn y Ddôl, prif fenter canolfan asesu plant mewn partneriaeth â Chyngor Sir Ddinbych, Cyngor Bwrdeistref Sirol Conwy a Bwrdd Iechyd Prifysgol Betsi Cadwaladr.

Yn anffodus, roedd y prosiect yn cael ei gynnal o lety dros dro ym Mae Colwyn oherwydd bod y contractwr a benodwyd yn wreiddiol wedi mynd i ddwylo'r gweinyddwyr. Yn dilyn trafodaeth faith, cafodd contractwr dibynadwy ei nodi, rhagwelwyd y byddent yn cael eu penodi, wrth aros am gasgliad gwerthusiad llwyddiannus, ddiwedd yr wythnos ac y byddai'r gwaith adeiladu'n cychwyn yn y flwyddyn newydd.

Penderfynodd y Pwyllgor:

dderbyn yr adroddiad ar lafar a gyflwynwyd gan y Cynghorydd Bobby Feeley ynghylch y trafodaethau a gafwyd yng nghyfarfod diweddar Bwrdd Prosiect Bwthyn y Ddôl.

Daeth y cyfarfod i ben am 12.15pm